### Hausordnung

#### Vorbemerkung

Wenn mehra unter oam Doch wohna, sollt ma a weng auf anand Rücksicht nehma, damit net gstrittn wird

## 1)Vor oim auf folgendes muaß bsunders aufpasst werdn:

Damit ois sauber bleibt, teats an Abfoi in de richtige Tonna, net danebn hischmeissen, koane Flaschl, und nix, wos brenna kunntat.

As Stiagnhaus mitsamt Glander ghört omoi in da Wocha sauber putzt, jeds Stockwerk soit sich halt absprecha.

Wenn a Mieter dös net macht, obwoi ma`s eahm sogt, werds gmacht und er muaß zahln.

Teppich, Kanape, Bettn samt Inlet derfa net im Stiagnhaus und net am Balkon putzt werdn, sondern nur do.

wo's erlaubt is, und dös aa nur unter da Wocha zwischen achte und zwölfe und am Samstog von drei bis fünfe nochmittog.

#### Zwengs der Ordnung im Haus guit:

FensterIn is nua dann erlaubt, wenn dös Dearndl des aa wui. Wenn oana beim FensterIn owifoit, is er seijba schuid. Do zoijt vei dann koa Vasicherung.

Wer ins Waschhaus muaß, der sollt si vorher eintrogn. Nach der Wascherei muaß oisamt wieder sauber sei.

Radl, Motorradl, Kinderwogn und soichane Sachan derfa im Hof, im Keller und im Speicher nur obgsteijt werdn, wenns vorher vom Vermieter erlaubt wordn is. Wenn wos bassierd, is der schuid, der wo dös do higsteijt hot. In der Wohnung hom de Sachan nix valorn.

#### Zwengs da Ruah im Haus guit:

Wer bei da Haus- oder Gartenarbat an Krach macha muaß, der derf dös nur unter der Wocha zwischen achte und zwoife und am Samstog zwischen drei und sechse toa.

A Musi derf nur bis zehne auf d Nacht gspuit werdn und net z`laut.

#### Zwengs am Erhoit vom Haus guit:

Waschmaschina und Trockna miassen sauber, sicher aufbaut und gscheit ogschlossen werdn.

In Abort derf nix einigschmissen werdn, wos de Leitunga verstopfa kunnt.

Da Bodn derf net verkratzt werdn.

Im Winter muaß aufpasst werdn, dass as Wasser net eigfriat.

Wenns regnt, müassen d'Fenster zua sei, wenns hagelt oder windelt, d'Lädn aa, und wenns schneibt, muaß bsunders aufpasst werdn

Mit'n Wasser und mit'n Eläktrischn muaß ma sparsam umgeh.

#### Zwengs de Mieträum' guit:

Wenn ma Markisen habn wui, muaß ma erst fragen.

Namensschuidl solltn alle gleich ausschaugn.

#### Zwengs da Sicherheit guit:

Es derf nix lagern, was bsonders leicht brenna kunnt.

Koa offens Liacht im Keller oder am Dachbodn.

Auf d Nacht miassen alle Fenster und Türn zuagsperrt sei.

Möbel, Betten, Kuffern und sperrigs Zeig derf am Dachbodn nur so higsteijt werdn, dass nix im Weg steht.

Im Hof und vor de Garaschen muaß langsam gfahrn werdn.

Wenn der Aufzug net geht, muaß ma z`Fuaß geh und an Vermieter oruaffa.

# Zwengs da Sicherheit in de Garaschen und auf de Parkplätz` guit:

Für sei Auto hot a jeder seijber de Haftung. Autowaschen is net erlaubt, repariern aa net As Eläktrische derf nur fürs Liacht hergnomma werdn.

Koa Feier in da Garasch.

Da Motor muaß aus sei, wenn de Garasch zua is.

Wenn da Mieter oans vo dene Vorschriften net beacht, muaß er zoin, wenn wos bassierd.

Wenn se a Jeder nach dem richt, dann werds aa koan Streit und koan Ärger net gebn.